

中國方志叢書·華中地方·第七八五號

據

清·呂懋先等修，帥方蔚等纂
清同治十年刊本

影印

江 西 省

奉新縣志



成文出版社有限公司印行

奉新縣志卷七

秩官志

統轄主簿

知縣

縣丞

教諭

訓導

巡檢

典史

稅課大使

武職

封爵附

蔣宗東漢之書循吏兼詳守令劉山武功之志官師並列

瑕瑜民社所關考鏡斯在奉新一邑析自海昏地當楚粵

之衝行李疲於供億利鮮魚鹽之沃瘠瘠係乎土宜然而

俗恥紛爭罕速鼠牙之訟士矜名節不登肺石之庭撫字

雖曰心勞催科無妨政拙南唐而降改易今名代多賢宰

廖楊著績於前黃何繼美於後馨香俎豆祀事維昭姓字

東萊遺徽宛在至於統轄之官或留棠黍之愛間爲特載

不勝枚舉例所有繁略略爾又丞尉巡檢皆分吏職舉

官博士實爲儒師稅使主簿雖罷置不常而名氏具在茲
據各官之可考者首以統轄附以封爵武弁爲秩官篇焉
統轄官多不能具載但就有功德於斯邑者書之

三國吳

太史慈

字子義東萊黃邑人劉繇亡於豫章士眾數萬未

數爲寇於艾西安諸縣策於是分海昏建昌左右六縣以
慈爲建昌都尉併督諸將拒磐磐絕跡不復爲寇孫權統
事以慈能制磐遂委以南方之事建安十一年卒於官
舊志按縣西二十里有磐山相傳爲慈用兵處慈卒葬邑
東感古民懷其德卽墓傍立廟祀之今猶存

唐

吳

兢

俗汴州浚儀人爲洪州刺史表劉資虛之里以勵風
舊志按黃志人物有應知項豫章書應知項

建城人隋末蕭銑林士宏亂豫章知頊於華林屯兵置柵保障一方武德五年歸唐以爲靖州刺史靖州爲今瑞州府氏族大全謂知頊九江人徙居靖州人物志南昌高安兩載之白志從氏族載入高安歷稽各籍未有言其爲奉新人者舊志頗未考究但據豫章書稱其有保障之功其明德自不可泯爲附錄於唐名宦之後從變例也

宋

劉

珙

字共父崇安人端明殿學士知隆興府蠲稅務新額及罷苗倉大斛屬邑奉新有復租稅窮民不能

輸相率逃去反失正稅并奏除之

張

杓

字定叟浚之子甯宗嗣位知隆興府兼江西安撫使奉新舊有營田募民耕之畝賦米斗五升錢六十其後議臣請鬻之始征兩稅和買且加折民重爲困杓

悉奏蠲之

按舊志誤以杓知隆興在孝宗時今改正

明

吳

一貫

字道夫廣東揭陽人廣東通志作海陽成化辛丑進士初任知上高縣擢御史累陞大理少卿忤瑾

秩官

秩官

謫嵩明州同知遷江西副使時華林賊勢猖獗一貫督兵勦捕賞罰明信士皆用命俘斬甚眾因倡築奉靖二城爲禦寇計遷按察使行部至奉新以勞卒於軍民哀之立祠祀焉

周憲

字時敏湖廣安陸人宏治進士官江西副使華林

奉新計擒賊首平瑪璃寨進逼華林賊窘謀者詭言饑困狀憲信之移檄會師夾擊他將多觀望憲攻北門賊少却與子幹先登逼之賊下木石如雨憲中槍幹前救力戰墮崖死憲被執死之事聞贈按察使諡節愍旌幹門曰孝烈舊志按正德七年五月憲與賊大戰於桐梓嶺被害明史紀事云正德七年四月五月憲移軍攻華林賊於仙女寨拔之進克雞公嶺九後擒斬十餘人進薄華林五月憲信謀者言賊眾饑疲遂檄兵進攻其二路失期不至憲獨深入山谷峻險賊憑高發榴石如雨憲被執刀中憲首血流滿面左髀復中槍不能行大罵賊不絕口賊怒支解之紀事及明史列傳俱無戰桐梓嶺事又紀事憲賜諡忠愍明史作節愍未知孰是姑並誌之

李承勛

字直卿湖廣嘉魚人宏治進士累擢知南昌府明史正德六年贛州賊犯新淦靖安賊據越王嶺

瑪璫崖華林賊陷瑞州承勛督民兵勦數有功華林賊殺副使周憲憲軍大潰承勛單騎入憲營眾乃復集都御史陳金卽檄承勛討之賊黨王奇聽撫搜得其衷刃縱使還奇感泣誓以死報承勛令奇密入砦說降其黨爲內應而親率所部登山奇夜拔柵官軍奮而前降者自內出賊遂潰已從金斬賊渠羅光權胡雪二華林賊平鎮守中人黎安誣承勛擅易賊首王浩八獄詞坐下吏大理卿燕中卽訊得白世宗時代胡世甯爲兵部尙書諡康惠

汪

穎字秀夫湖廣江陵人任南昌府同知練達政體曉暢軍事攝篆奉新均徭役革陋弊民戴之如父母

正德間華林賊起穎練兵飭餉與士卒同甘苦及賊平穎之功居多焉

胡時亨

字慎三江南無錫人由進士爲南昌府推官崇禎癸未奉新賊李肅十肅七等造譏僭號通楚獻賊

反巡按張鳳翮檄時亨監軍事乃定計殲渠魁散黨羽布謀用間以撫爲勦不越月而平安民發賑清還子女收瘞枯骨邑人爲立生祠祀焉舊志按常州府志時亨中崇禎丁丑會魁後改名時忠字伯昭非二人也省志名宦傳列時亨時忠爲兩傳誤又舊志遺時亨平賊事今採江南通志載入

李嗣京

南直興化人崇禎進士任南昌府推官爲奉新請

司李條陳感德碑記維揚李公以名進士來理吾郡其淵
源所自爲天下第一名家與其藻采所流爲天下第一文
人也寰海內盡知之至其經綸之才之見諸行事也則自
吾郡助也公仁恩在八屬靡所不周漑而憐恤覺於吾邑
尤至豈獨私吾邑哉膏肓正痼國手驚心膏肓將臨長年
變色則吾邑之疲困所從來遠矣曰者鴻號於野肘見於
堂獨虎而冠者中而飽澤涸妨稼而陶河方以爲利陰晦
妨績而蚩蚩顧以爲時人盡無告豈僅鰥孤鄉民涂劉鄉
等慘痛切膚義憤刺骨算侵欠之如藪卽用三而併兩曾
不足滿從前之逋思蠹源之弗除卽敲骨而吸脂終不足
果貪狼之腹於焉列諸奸之罪狀因而開十款之條陳乞
假寵靈鏤諸金石其中利病有他邑所同而奉新尤當飭
者如矮編飛灑追徵那解之類是也有他邑所罕而奉新
獨甚者如解新坐舊沿門收銀及不給油票之類是也有
奉新獨弊而併奉新前此亦未有者如馬戶僉報嚇騙鄉
愚及堂役勒索管糧衙官之類是也至如三甲免徵京米
朦朧竟自開徵詔示竟束高閣昔人所云如霹靂但掛壁
今不幸偏有之弊也極矣控於按臺倪公傷心悚魄立命

李公南而行之公又逐欵登答雖間有駁裁要於隱情無弗洞者揭諸國門如禹鼎之象物見之懸消如秦鏡之遇形照而胆動恤我奉民豈惟小補亦又逾載公以漕務臨縣重哀我邑疾苦思有以小息之方將請於兩臺永爲奉新改折京米而嚮者鄉民復恐曩舉之又爲掛壁也時署吾邑者爲藩幕殷君慨然捐資勒鐫以垂永久嗟乎庶人不議議之所衷政之所僻已雖然議一也傳食者橫肉食者鄙微蓄食者誰適乎且吾邑受病之已深也身在苦中者既如二豎之據於隱處問其所苦而不能自言而身在堂上者又如秦越人之相視乎肥瘠漠然不爲屬何也乃惟鄉民言之公與倪公惻而聽之是可媿也亦可感也若殷君此舉上宣上臺德意下適下民渴情亦不負此軒軒一來矣公諱嗣京號少文揚之興化人倪公諱元瑞號鴻寶浙之上虞人殷君諱號松之華亭人惟殷君實使余言

國朝

李世昌

號奔侯三韓人任南昌瑞州分巡道饒宇拭巡憲李公講堂碑記甲寅滇南告變川湖閩廣所在

卷之二

秩官

統轄

四

駭然

皇帝震怒

特命親王將軍及諸道兵進剿江西實楚粵門戶而南瑞二郡屬邑如分甯靖安奉新新昌上高羣山糾結連亘數百里諸賊鈞連蜂起不可搔爬時親王將軍方經略楚粵摧滅巨寇賊得乘間猖獗肆毒山谷間總督大司馬憂之議復設南巡道鎮撫焉適我三韓李公領郡南安具經濟才且政聲久著特疏請補報可遂以二郡事屬公公慷慨以滅賊自任紆親王大司馬西顧憂甫拜命首詢地方利弊而興革之若不知有賊曰是治賊本也於是審形勢圖方略募戰兵檄各屬互爲聲援每有急公卽領軍親行至則慮無弗摧破者然公仁心爲質務以德勝行部所至惟以拯荒殘宥脇從爲汲汲每教令一出父老讀之感歎泣下以爲公真活我以故民氣益厚賊氣益衰乙卯諸賊將合攻奉新邑侯董君且戰且守飛檄告急公聞領軍疾馳至賊知公來且退公與董君躡之至礮下山中是日曉霧賊不意公猝至驚愕以爲神公親冒矢石奮擊賊倚山死拒公命偏師繞出山後賊首尾不救潰自寅迄申斬數千級俘百餘人搗其穴乘勝開羅坊抵富溪賊胆破竄匿深入無阻是役也公露處行間凡旬餘不避勞瘁軍政嚴肅無敢輒取民絲粟者賊稍稍降自是不敢復肆公

之戰功類如此丁巳諸軍門言賊可滅狀圖各邑險阻與
大軍所由進瞭若指掌大司馬從公請同督軍進勦諸賊
俱平如公畫先是礮下之役公親覩荒破流離狀惻焉念
之而邑侯董君復告之甚悉因有丁缺田荒之請果蒙恩
蠲公實始之也當公受命不數年遂平二郡賊去江右肘
腋之患親王將軍大司馬得并力楚粵悉平悉復恃有公
也公真功在天下豈獨二郡所部得而私哉而新之民戴
生全德若獨私之構講堂祠公以報公於無疆卽奉新可
知各屬矣嗟夫召伯之仁甘棠猶愛況以公數年勤勞經
理文德武功克備若此孰謂古今人不相及耶卽二郡可
知天下矣

聖天子爲天下任公而公之功在天下是天下之福也則斯舉
也豈新民獨私之亦以爲天下祝哉旣落成以勒石之詞
命予予不文烏足以鼓吹盛德請以新民所述者書以爲
記誌新民意也更以爲天下賀公諱世昌號奔侯三韓人
詩曰岐山之陽馮水湯湯翼翼者屋丹腹其光曰誰是祠
我公之堂我公之堂新民所作載祠我公有嚴有恪明德
是依我公旣祠新民之樂公活我新允文允武全我父兄
歸我樂土憶我公來龍旂淠淠鸞聲嘒嘒千萬其徒不驚
不異日之中天消其陰噎戰於叢巖馳驟雷雨言申之令

言節之鼓言出之奇渠魁既虜遂搗其巢深入其阻復爾
皇后建羣賢溥天仁覆賜我公來摧此巨寇寇之既平又恤
我後我公之功
天子是懋出爲方虎入爲周召我公之德新民所飽登斯堂宇
小人懷恩君子服教維新之民承承繼繼俎豆常新逮千
萬禩以報我公水之長流山之永峙

知縣

唐縣令

按舊志縣令劉正一以前無考今查通志崔祐甫洪州都督張休遺愛頌有鄔賁一名應補入

鄔賁

肅宗上元間為新吳令

劉正一

長慶三年為新吳令築縣土城

宋縣令

梁見素

至道元年任

徐用和

二年任始創學官以教士累擢太子中允

許南史

咸平二年任陞大理寺丞

樊揆

景德元年任

趙嵩

三年任

沈昂

大中祥符元年任陞太常博士

沈同

六年任浙江錢塘人進士

黃禹昌

八年任

柴徵規

天禧元年任

戴玘

五年任字亦玉號龍菴進士

王居白

天聖元年任陞大理寺丞

張惟周

四年任

本

陞官

知縣

一

查延之
任五年

王言
任八年

張陶
明道元年任字聖休浙西餘杭人陞本州通判轉

戴宏
景祐元年任
馬遵
三年任樂平人進士

王鞏
寶元元年以大理寺丞任
蔡充
康定元年以著作佐郎任南城人進士有

惠政以平恕不擾聞
陳莊
慶曆元年任

鄒嚴
三年任改秘書丞
王真長
四年任

張序
皇祐元年任陞太子中允大理寺丞
胡少連
四年任

林喬
至和元年任
藍圭
嘉祐元年任

張頡
五年任陞提點刑獄字仲舉淮南桃源人王安石

寬餘訟獄平老吏閉門無重精荒山開隴有新梗方揮玉
塵日邊坐又結銅章天外行此去料君歸不久挾才如此

即名卿李壁半山詩注云金陵人位至從官傳稱其所至
以嚴治深文狡獪亦天性云

丁餗 七年任陞
著作郎

丁靖 治平三年任

吳天常 熙甯二年任

呂開 四年任

歐陽竦 八年任轉
殿中丞

梁立賢 元豐元年任

李平 四年任字至
中左宣德郎

臧渾 七年任

廖擇 元祐二年任字從善衡陽人有惠政縣治西有溪
每水漲民病涉擇捐俸為石橋以濟民甚便之名

日通化橋及秩滿當去爭挽留不可得乃留其少子家焉
祝名宦

徐銳 八年任

林棐 紹聖二年任宣議郎

章潛 四年任

高潛 崇甯元年任

吳均明 三年任轉
朝散郎

黃洵美 大觀元年任
授奉議郎

秩官

黃 峻 政和元年任

上官允若 五年任捐俸創縣譙樓

向 漢 宣和元年任與尉同名

盧 察 四年任

李 永 六年任

程 滂 建炎四年任

吳 荀 紹興元年任舊府志作常

姚 佖 四年任

翁起予 六年任

王 恭 七年任

劉 振 十二年任

敖士從 十六年任

黃 壽 十六年任陞知饒州

蔡 甯 十八年任

宋彥倫 十九年任

臧 楷 二十三年任奉議郎

陳 寅 二十六年任一作乾道間任

吳希述 二十九年任

楊振文 三十二年任廬陵人右承議郎主管勸農營田公事按葆光廟記振文三十一年三月任

余祐之

乾道元年任

陳光祖

乾道間任右朝奉郎

楊萬里

六年任字挺秀號誠齋吉水人紹興進士知縣事

賦不綴而自足縣以大治祀名宦

大帥龔公擇行田之官婆女帥屬何季華以府檄來不憚

其疑竟以實聞縣令楊萬里哦五字以餞其行詩曰眾裏

非無事閒中却幾人如何新帥澤偏作此邦春未要樓鸞

恨方有報主身青燈一樽酒聊復話酸辛

引作成化志當是成化志引宋人語或係誠齋詩序後考

沈雲舉

九年任字鳳翽有善政置獄雪白骨之冤政以最聞邑民德

之立祠以祀仍祀名宦

葉次參

清熙二年任

王正邦

四年任字榮甫明州人善詩尚氣節不苟取與為

喪援孤苦皆盡誠為之祀名宦

按王正邦舊志無傳庚午志採通志載入

高南壽

七年任字景仁號如山福清人大旱禱於城隍有願減十年壽乞爲三日霖之語會歲饑白於運師

賑廩勸糶荒政具舉時朱子守南康告糶於奉新南壽曰

吾方披髮纓冠以救同室之闕何暇恤鄉鄰乎謝弗與朱

初以過糶怒之既而曰使吾屬皆如高令尹吾何憂民賴

以全活者甚衆爲之立祠祀名宦朱子大全集與江西

張帥劄子累具懇稟告糶米船已蒙公移回報開許但奉

新令尉乃敢公然違戾百端攔遏欲望台慈將本縣官吏

重作行遣按此卽怒其過糶時語陸游寄奉新高令

詩小雨催寒著客袍草行露宿敢辭勞歲饑民食糟糠窄

吏倚官倉鼠雀豪只要問閭寬篋楚不須亭障肅弓刀九

重屢下叮嚀詔此責吾曹未易逃

御選詩

醕評此眞良二千石矣察吏恤災安民弭盜奉公任職八

句中色色俱到却一氣渾成不冗不腐風雅遺軌何可多

得鶴林玉露載王十朋眞德秀二詩命意雖同而氣格相

去遠矣

劉仲光

九年任奉議郎陳傅良送劉茂實宰奉新詩遠別欲無寐細論惟有酒今當作劇縣君意亦樂否

江湖吏道僻歲月民勞久救之微精神自愛終袖手要中名甚美用意物所咎君觀蘭桂林餘茂及薪樵移根托客